



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



CAMPIONATO PROVINCIAL MAR-COSTA OURENSE E PONTEVEDRA

O Campionato Provincial de Mar-Costa de Ourense e Pontevedra, está convocado pola Federación Galega de Pesca e Cásting, sendo responsable da súa organización a Delegación Provincial desta Federación en Pontevedra, baixo a supervisión do Comité Técnico da especialidade.

Lugar e Data:

Desenvolverase en **PRAIA DE MONTALBO.**

Alternativa PRAIA MAJOR.

Na data : **13 de marzo de 2021** (data alternativa no caso de suspensión por temporal, 27 de marzo de 2021)

Asistencia Deportistas:

Cómpre que tódolos clubs e sociedades de pesca confirmen a asistencia dos seus deportistas, ata a data linde do 8 de marzo de 2020 ás 12,00 horas. As inscricións deben facerse exclusivamente ao correo ourensedelegacion@fgpesca.org. A cota de inscrición será de 25.- € por deportista e servirá para pagar parte do importe do cebo, a outra parte asúmea a Federación Galega de Pesca e Casting. O ingreso cómpre facelo á conta da FGPeC ES34 2080 0176 9630 4001 0672. Debe engadirse xustificante de pago á inscrición.

É obrigatorio que cada Club ou Sociedade de Pesca achegue unha persoa para facer labores de Control. Incumprir esta obriga fará que os membros dese Club ou Sociedade non poidan participar na competición. Os controis deberán presentarse equipados dun chaleco reflectante e dun bolígrafo.

BASES

Xurado: A súa composición farase pública na reunión de Delegados para o Sorteio.

A capacidade do escenario quedou fixada en **30 deportistas**. Unha vez feitas as inscricións que a cada club lle correspondan, os clubs que así o desexen, poderán inscribir máis deportistas, previo pago dunha cota de inscrición de 25.- € por deportista inscrito a máis. No caso de que as inscricións superen a



Federación Galega de Pesca e Casting
Praza Agustín Díaz 1
Complexo Deportivo de Elviña, Local 5
15008 a Coruña
www.fgpesca.org
federación@fgpesca.org



capacidade do escenario, as prazas adxudicaranse de forma proporcional ao número de tarxetas federativas que cada club tivese tramitadas na tempada 2020. Informarase aos clubs implicados neste procedemento sobre o número de tarxetas federativas que cadaún deles tramitou na tempada 2020.

Para que esta competición se desenvolva terá que haber unha participación mínima de 12 deportistas.

Mangas: Desenvolverase en dúas mangas de tres horas cada unha delas. Tanto o inicio como no remate da manga será indicado con sinais acústicas.

A adxudicación dos distintos postos aos deportistas farase por sorteo dirixido.

Capturas: Os exemplares presentados á pesaxe aos que, polo menos lles falte un centímetro para acadar a talla mínima legal, contarán como penalización que será a equivalente ao peso deses exemplares. A baila equipararase a robaliza.

Materia Deportivo

Canas: Nesta especialidade de Mar Costa autorízase ter dúas canas en tarefa de pesca por pescador, podendo ter montadas, de reserva, outras máis.

Cebo: Constará de 3 caixas gavián , 2 de coreano e 3 caixas de norte na 1ª manga, e 7 caixas de gavián e 1 de coreano na 2ª manga. O cebo subministrará a Federación Galega de Pesca e Casting. Será o cebo que se indica ou semellante, en todo caso serán iguais cantidades e especies para tódolos deportistas.

Anzois: Non poderán ser de medida inferior a 5 milímetros de anchura. Os deportistas non poden atoparse en posesión nos seus postos de pesca, de anzois cunha apertura inferior a 5 cm de ancho total. Quen infrinxa esta norma será descalificado nesa manga e se fora reincidente a descalificación alcanzará a todo o campionato.

Será obrigatorio para tódolos deportistas dispor como elementos auxiliares no posto de pesca dun caldeiro de polo menos 17 litros e un osixenador, que estará en funcionamento sempre que haxa capturas no mesmo.

Medición e control das capturas.

Consideraranse válidas tódalas capturas. Os peixes que non acaden a talla mínima regulamentaria puntuaranse cun punto por peza. As capturas introduciranse no caldeiro (anxada ou desanxada), antes de facer un novo lanzamento coa cana. O/A deportista que incumpra esta norma non se lle considerarán válidas ningunha das capturas feitas ata ese momento nesa manga.



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



As capturas serán verificadas polo xuíz, controis ou membros do Comité. Os peixes unha vez medidos devolveranse á auga no menor tempo posible.

O/A deportista deberá de realizar o desanzoado da captura do xeito menos lesivo posible para o peixe, e deberá de manter a peza viva ata a súa verificación.

Programa día 13 ou 27 de marzo de 2021

13,00 horas: Encontro dos participantes no escenario da proba e control de temperatura.

13,30 horas: Sorteio de postos.

15,00 horas: Entrega de documentación.

16,00 horas: Inicio Primeira Manga.

19,00 horas: Fin da Primeira Manga.

PAUSA

20,00 horas: Inicio da Segunda Manga.

23,00 horas: Fin da Segunda Manga.

Os horarios, poderán ser modificados por estar a praia ocupada por bañistas ou por outros condicionantes.

Publicaranse dúas clasificacións finais, unha para Ourense e outra para Pontevedra.

O campión provincial, no caso da clasificación de Ourense, e os nove primeiros deportistas clasificados no caso de Pontevedra, obterán praza no vindeiro campionato autonómico da especialidade. No suposto de que algún deses nove postos na clasificación de Pontevedra o ocupase un deportista descendido do selectivo 2019, correrase a clasificación tantos postos coma deportistas descendidos ocupen esas prazas. En ningún caso ascenderán máis, nin menos, de nove deportistas. Se o campión provincial de Ourense resultase ser algún deportista descendido do selectivo 2019, ascenderá o segundo clasificado.

O escenario estará dividido en tres sectores. Eses sectores, dividiranse en postos que terán unha lonxitude mínima de 20 metros cadaún e máxima de 35. A cada sector atribuiránselle tantos postos como resulten de dividir o total de inscritos por catro. A adxudicación dos distintos postos aos deportistas farase por sorteio dirixido.

No sorteio só poderán estar presentes 2 representantes dos deportistas inscritos (que serán nomeados polos propios deportistas vía grupo de wassap creado para esta competición) e 2 membros da organización (total 4 persoas).



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



Estas 4 persoas serán tamén as únicas que poderán estar presentes na pesaxe, ademais do xuíz. Que intervirá só en caso de necesidade ou dúbida.

As clasificacións publicaranse polo grupo de wassap.

Normas de comportamento:

1º Para facer o lance pódese entrar na auga a altura do nocello.

2º Unha vez feito o lance, os deportistas e as canas deberán estar na parte seca, dende onde se fará a acción de cravado e loita coa peza. Preferentemente no centro do posto, retirado a 5 metros coma mínimo da liña separadora dos postos a súa dereita e esquerda.

3º Ao sinal de fin dá manga é obrigatorio desistir de inmediato na acción de pesca, debendo retirar o aparello da auga, cobrando normalmente o aparello e decatándose da chegada dos Controis para a entrega das capturas.

Os deportistas deberan recuperar a liña rápida ou lentamente, pero a acción de recoller a tiróns esta prohibido e suporá a non contabilización coma válidas das capturas realizadas ata ese momento.

4º As capturas presentadas á pesaxe estarán libres de area, argazo, restos de aparellos, auga ou calquera outros corpos alleos as capturas mesmas.

5º Os deportistas agardarán a retirada das súas capturas no seu posto.

6º Está totalmente prohibido botar calquera tipo de lixo ou vertedura contaminante ás augas ou á contorna. Os deportistas deberán deixar o posto de pesca totalmente libre de lixo. A infracción a esta norma dará lugar á descualificación do deportista.

7º Queda terminantemente prohibido o consumo de tabaco no transcurso de tódalas competicións oficiais organizadas pola Federación Galega de Pesca e Casting, dende a entrada aos postos ata o final dá proba, establecéndose as correspondentes sancións, se é o caso, para quen as incumpra.

8º Só poderán entrar nos postos dos competidores os xuíces, e os Controis a petición dos participantes. A infracción a esta norma dará lugar á descualificación do deportista.

9º Os deportistas participantes deberán estar en posesión das licenzas federativa e de pesca en vigor. Asemade os clubs polos que compitan deberán de estar ao corrente das súas obrigas coa FGPeC. Tanto os deportistas coma os controis, deben ter licencia federativa polo club que representen.



Federación Galega de Pesca e Casting
Praza Agustín Díaz 1
Complejo Deportivo de Elviña, Local 5
15008 a Coruña
www.fgpesca.org
federación@fgpesca.org



10º Unha vez publicadas as clasificacións provisionais, haberá un prazo de media hora para presentar reclamacións ou solicitar emendas. Esgotado este prazo as clasificacións pasarán a ser definitivas.

A pesaxe comezará media hora despois do sinal de fin de proba.

Entorpecer ou alterar o normal desenvolvemento da proba será motivo de expulsión inmediata da mesma. A acta da competición será elevada ao Comité de Disciplina que, de ser o caso, actuará de oficio.

Para outras disposicións non recollidas nas presentes bases, rexerémonos polas Normas da Federación Española de Pesca e Casting da especialidade.

Nota importante:

Por mor da actual crise sanitaria a organización non entregará, nin fará servir, ningunha clase de comida nin bebida aos participantes. Cada participante deberá traer as súas propias bebidas e comidas debidamente identificadas.

Prégase consultar na páxina web da Federación o Protocolo Covid-19 (www.fgpesca.org)

É imperativo que unha vez rematada a competición, mentres esteamos á espera da clasificación e entrega de premios, usemos a mascariña en todo momento, teñamos as mans desinfectadas, non ocupemos espazos pechados e manteñamos a distancia de seguridade.

Que poidamos seguir desenvolvendo a nosa actividade con seguridade tamén depende de todos nós.

Para esta competición o responsable do protocolo COVID-19 será o Delegado Provincial da FGPeC D. Gabriel Fernández Vázquez tlf 699954985

Asdo. Pedro Bolaño Pérez
Presidente do Comité de Mar-Costa